



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Antonii Sanderi Presbyteri, S. Th. Licentiati Hagiologivm
Flandriae Sive De Sanctis eius Prouinciae Liber vnus**

Sanderus, Antoine

Antverpiae, 1625

Cornelius Et Cyprianus Martyres Rotnaci.

urn:nbn:de:hbz:466:1-10172

CORNELIUS ET CYPRIANVS

Martyres Rotnaci.

Cornelius Papa in persecutione Decij post exilij re- 14. Sept.
legationem primū plumbatis cæsus, posteā cum aliis
viginti & uno promiscui sexus est decollatus. Cyprianus
doctrinā clarissimus sub Valeriano & Galieno Principibus
post durum exilium, similiter detruncatione capitis Mar-
tyrium consummavit, sexto milliari à Carthagine iuxta
mare, ut in tabulis Martyrologij Rom. legitur. Horum
Martyrum ossa ab Aarone Persarum Rege per Asiam &
Africam latissimè dominante ad Carolum Magnum ex
Africa per Arelatem transmissa sunt, & postquam Lu-
gduni aliquandiu quieuisserent, inde per Carolum Imp.
Lud. Pij filium aduecta sunt. Compendium Picardiæ opi-
dum, ad Monasterium novum, quod idem Augustus eo
loco construxerat. Compendio posteā si non omnia sal-
tem plurima Ludou. Lotharij filius Rotnacum transpor-
tavit, & cum sancti Hermetis celeberrimi martyris Lipsia-
nis ibidem honorifice collocavit: vt partim ex Adonis
Martyrologio, partim ex Rotnacenfis Ecclesiæ (inquit
Miræus) monumentis collegi. Quibus rebus illustrandis
libet hic adtexere epistolam, quam Ioannes Hau The-
ologus & Canonicus Tornacenfis ante annos 50, ad Vig-
lium Zuichenium Præsidem scripsit, quamque Iacobus
Pamelius suis ad Cyprianum prolegomenis inferuit.
Quemadmodum gloriatur Cicero nobilissimam Siciliæ
ciuitatem Syraculas acutissimi ciuis sui Archimedis mo-
numentum ignorasse, donec ab homine Arpinate & pere-
grino illud didicisset: sic tanti, tamque celebris hospitis
Cyprianum dico, perpetuâ sancte ignorantia Belgum labo-
rasset,

rasset, nisi vestrae monitionis classico, tanquam reuelatione quadam solemní innotuisse, Bruxella enim nō ita pri-
dem reuersus percunctari ceipi, num aliquando diui Cy-
priani corpus quiescere Rotnaci audiissent qui eo ali-
quando fuissent profecti illi planè ignorare se affirmau-
runt: celebre istic quidem esse SS. Hermetis & Cornelij
nomen: sed de Cypriano nihil. Ideoque me accinxí iti-
neri & satis prolixo sermone habito cum Canonicis illi
me deduxerunt ad gazophylacium templi, ibique meis
oculis exposuerunt feretrum cupreum deauratum Apo-
stolorum imaginibus interstantem, in tres veluti distin-
ctum capsulas laminis tribus deauratis, quod opus anti-
quissimum iudicarunt adhibiti aurifices, cuius longitudo
quinque ferè pedes æquat; in cuius margine tales inscri-
buntur versus:

Duplex vita tenet cœlos, hic ossa tenentur

Ossa sigillauit hic operosa manus,

Sufficit ad Titulum, Cœlestinum capit aula,

Gaudent in cœlis Cornelius & Cyprianus

Vita Celestini gladio fuerat data fini.

Cornelius gladij suscepit acumine funus;

Cum quo bis denis gladio cœduntur & unus.

Carnificisque manu sic passus erat Cyprianus

Hic Cœlestinum Sanctos locat & Cyprianum.

Hic est dæmonium pellens morbumque caducum

Hæc breuis arca patres coniungit Apostolicos tres.

*Quæ omnia bona fide exscripta ad te detino: cui dignas
rependere grates haud opis sit nostræ, quod vestro in-
dicio*

dicio contingent me sacrum tanti Martyris corpus vene-
rari præsentem, cuius visendi gratiâ Carthaginem lu-
bens perrexisse. Hactenus Haius.

C O L V M B A N V S

Gandavi.

V

QUARTO nonas Februarij anno nongentesimo quin-
quagesimo septimo, reclusio Columbani Abbatis
Hiberniensis, viri sanctissimi, in Cæmeterio Gandensis
Cœnobij, ubi post biennium obiit & in cripta B. Mariæ
ante altare B. Andreæ sub arcu lapideo requiescit. Obitus
in libris rubœ vallis notatur decimo quinto Kalendis
martij. Ita Molanus ex Chronico cœnobij Gandensis. Fit
& Columbani mentio in Catalogo Sanctorum Hiberniarum, quem
P. Henricus FitzSimon Societatis Iesu Theo-
logus, natione Hibernus contexuit sanè luculentum,
ac illustrium Sanctorum nominibus splendidum & abun-
dantem.

CONDEDVS MONACHVS

In Blandinio.

C

DE Condedo in historia Ecclesiastica narrat Guliel-
mus Gazæus in sanctis dioecesios Gandavensis,
fuisse Anglum natione ac Religiosum Monasterij Fon-
tanellensis sub Abbe sanc-to Lamberto. Reliquias eius
è Bononia cum S. Wulfrannij & aliorum delatas ad D.
Petri Abbatiam in monte Blandinio sitam. In quo cele-
bris eiusdem etiam diui olim fuit memoria.

CHRI

H CHRYSO-

